



Broj predmeta: 06-257/25
Broj akta: 06-724/25
Datum: 17.02.2025. godine

Na osnovu člana 24 Zakon o planiranju, projektovanju i razvoju Brčko distrikta Bosne i Hercegovine ("Službeni glasnik Brčko distrikta BiH", brojevi: 12/19, 23/19, 34/19, 24/20, 03/21, 21/22 i 31/24), člana 27 Statuta Zavoda za planiranje, projektovanje i razvoj Brčko distrikta BiH (broj: 11-11/20 od 06. 05. 2020. godine i broj predmeta: 11-11/20, broj akta: 01-321/22 od 31. 03. 2022. godine), a u vezi s članom 12 Pravilnika o zapošljavanju Zavoda za planiranje, projektovanje i razvoj (broj: 11-14/20, 11-200/21, 11-373/22 i 11-741/23) i Odluke o raspisivanju javnog konkursa za prijem u radni odnos, broj predmeta: 06-257/25, broj akta: 06-723/25 od 17.02.2025. godine, direktor Zavoda raspisuje:

JAVNI KONKURS za prijem u radni odnos

I - NA ODREĐENO VRIJEME - Na period do povratka zaposlenika s bolovanja, a najdulje na period do 2 godine

1. Stručni savjetnik- Projektant mašinskih instalacija

- (1) **Opis poslova:** izrada projektne dokumentacije propisane Zakonom, učestvuje u izradi projekata toplifikacije i drugih mašinskih instalacija, vršenje nadzora nad građenjem sistema za zagrijavanje i novih mašinskih instalacija, poslovi usaglašavanja projektnih faza, odgovornost za kvalitetnu i pravovremenu izradu faze projektne dokumentacije, učestvuje u izradi stručnih studija, elaborata, davanju stručnih mišljenja i drugih dokumenata iz nadležnosti Zavoda, provodi mjere zaštite i sigurnosti za vrijeme obavljanja poslova, učestvuje u radu na poslovima i zadacima svoje struke iz djelatnosti Sektora samostalno ili uz uputstva neposredno pretpostavljenog, zaposlenik je dužan obavljati poslove i radne zadatke u skladu s pravilnicima, poslovnica, uputstvima i procedurama i drugim aktima odobrenim od strane direktora Zavoda, obavlja i druge poslove iz djelokruga rada Zavoda, po nalogu neposrednog rukovodioca i direktora Zavoda.
- (2) **Uslovi za vršenje posla:** stečena diploma visokog obrazovanja u trajanju najmanje četiri godine, odnosno visoka stručna sprema (VSS), VII stepen, minimalno 240 ECTS studijskih bodova, diplomirani inženjer mašinstva, opći smjer ili smjer energetske mašinstvo ili smjer iz oblasti termotehnike ili procesne tehnike, položen stručni ispit, najmanje pet godina radnog iskustva u struci na istim ili sličnim poslovima nakon sticanja diplome, posjedovanje licenci Brčko distrikta BiH – licenca za izradu tehničke dokumentacije, šifra licence LBD – B7, licenca za reviziju tehničke dokumentacije, šifra licence LBD – E7, licenca za nadzor nad izvođenjem radova, šifra licence LBD – D5, poznavanje rada na računaru (Microsoft Office, AUTO CAD, neki od programa za projektovanje mašinskih instalacija), poznavanje engleskog jezika, položen vozački ispit B kategorije.
- (3) **Platni razred:** IX1 (mjesečna osnovna plata 2,824.91 KM).
- (4) **Broj izvršilaca:** 1 (jedan).

II- NA NEODREĐENO VRIJEME –

2. Stručni savjetnik- Projektant protivpožarne i zaštite na radu

- (1) **Opis poslova:** izrada projekata protivpožarne zaštite, ekološke zaštite i zaštite na radu, vršenje nadzora nad građenjem, odgovornost za stručno i ekonomično upravljanje imovinom i sredstvima za rad Zavoda, poslovi usaglašavanja projektnih faza, odgovornost za kvalitetnu i pravovremenu izradu faze projektne dokumentacije, provodi mjere zaštite i sigurnosti za vrijeme obavljanja poslova, zaposlenik je dužan obavljati poslove i radne zadatke u skladu s pravilnicima, poslovnica, uputstvima, procedurama i drugim aktima odobrenim od strane direktora Zavoda, obavlja i druge poslove iz djelokruga rada Zavoda, po nalogu neposrednog rukovodioca, zamjenika direktora i direktora Zavoda.
- (2) **Uslovi za vršenje poslova:** stečena diploma visokog obrazovanja, u trajanju najmanje četiri godine, odnosno visoka stručna sprema (VSS), minimalno 240 ECTS studijskih bodova, VII stepen stručne spreme iz oblasti zaštite od požara, najmanje pet godina radnog iskustva u struci, položen stručni ispit za projektovanje iz oblasti zaštite od požara ili VII stepen stručne spreme iz oblasti građevinske, arhitektonske, tehnološke, sigurnosne, zaštite na radu, mašinske, elektro i druge tehničke struke, najmanje sedam godina radnog iskustva u struci, položen stručni ispit za projektovanje iz oblasti zaštite od požara, posjedovanja licenci Brčko distrikta BiH - licenca za izradu tehničke dokumentacije, šifra licence LBD – B16, licenca za reviziju tehničke dokumentacije, šifra licence LBD-E16, poznavanje rada na računaru (Microsoft Office, AUTO CAD), poznavanje engleskog jezika, položen vozački ispit B kategorije.
- (3) **Platni razred:** IX1 (mjesečna osnovna plata 2,824.91 KM).
- (4) **Broj izvršilaca:** 1 (jedan).

3. Stručni saradnik za informiranje

- (1) **Opis poslova:** prati sve aktivnosti i aktuelnosti u vezi s radom Zavoda, te informacije o tome objavljuje na web-stranici Zavoda i dostavlja ih medijima javnog informisanja, priprema i distribuira saopćenja za javnost iz nadležnosti Zavoda, prati i analizira prisustvo Zavoda u medijima i po potrebi priprema reagovanja na izvještaje medija u vezi s radom Zavoda, organizuje press-konferencije Zavoda i istupe u javnosti ovlaštenih osoba Zavoda, savjetuje u pitanjima koja se tiču informiranja javnosti o radu Zavoda, pruža pomoć novinarima prilikom press-konferencija, priprema dokumentaciju za sjednice Zavoda a u vezi s odnosima s javnošću, vrši fotografiranje i elektronsku obradu za potrebe Zavoda, obavlja poslove audio i video snimanja i editovanja, te arhivira i postavlja materijale na web-stranicu institucije, priprema, uređuje i distribuira biltene, brošure, letke i druge publikacije o radu i aktivnostima Zavoda, sačinjava tekstove u saradnji s nadležnim sektorom za web-stranicu, priprema izvještaje o efektima programskih aktivnosti, učestvuje u radu strukovnih udruženja i skupova u zemlji i inostranstvu koji se bave komuniciranjem, zaprima i distribuira materijale u elektronskoj formi koji se odnose na komunikaciju s javnošću, izrađuje i provodi komunikacijsku strategiju institucije, po nalogu direktora istupa u ime institucije u javnosti i medijima, priprema i vodi medijsku kampanju za projekte institucije, sarađuje s drugim službenicima na istim poslovima u drugim institucijama na nivou entiteta, BiH i nižih nivoa vlasti, ostvaruje saradnju s organizacijama u inostranstvu koje se bave poslovima javnog komuniciranja, priprema i učestvuje u izradi

istraživanja javnog mnijenja u određenim projektima u radu Zavoda, obavlja i druge poslove iz djelokruga rada Zavoda koji su mu zakonom i drugim propisima stavljeni u nadležnosti i po nalogu direktora Zavoda.

- (2) **Uslovi za vršenje poslova:** stečena diploma visokog obrazovanja u trajanju najmanje tri godine, odnosno visoko obrazovanje prvog ciklusa koji se vrjednuje sa 180 ili 240 ECTS studijskih bodova, prvi ili drugi stepen odnosa s javnošću, tri godine radnog iskustva, poznavanje rada na računaru (Microsoft Office), znanje engleskog jezika, položen vozački ispit B kategorije.
- (3) **Platni razred:** VIII4 (mjesečna osnovna plata 2,455.22 KM).
- (4) **Broj izvršilaca:** 1 (jedan).

Pravo prijave na Konkurs imaju kandidati koji pored navedenih kvalifikacija za radno mjesto moraju ispunjavati sljedeće opće uslove za zasnivanje radnog odnosa: da su državljanin BiH, da su punoljetni, da su zdravstveno sposobni za vršenje poslova upražnjenog radnog mjesta, da se protiv njih ne vodi krivični postupak za sva krivična djela, osim za krivična djela protiv sigurnosti javnog saobraćaja, da se na njih ne odnosi član IX stav 1 Ustava BiH, da u posljednje 3 (tri) godine (počevši od dana objavljivanja Konkursa) nije prestao radni odnos usljed pravosnažno izrečene disciplinske mjere.

Potpisana prijava na Javni konkurs dostavlja se lično u zgradu Zavoda za planiranje, projektovanje i razvoj Brčko distrikta BiH, a poštom prijave treba slati na adresu: Zavod za planiranje, projektovanje i razvoj Brčko distrikta BiH, Lučka b.b., 76100 Brčko distrikt BiH.

Kandidati koji su zainteresovani za prijem u radni odnos po raspisanom javnom konkursu dužni su da podnesu prijavu u propisanom roku, a materijalno i krivično su odgovorni za tačnost podataka navedenih u prijavi.

Neblagovremene i neodgovarajuće prijave Komisija za zapošljavanje neće razmatrati.

Neblagovremena prijava označava prijavu koja nije dostavljena u utvrđenom roku.

Neodgovarajuća prijava označava prijavu iz koje se utvrdi da kandidat ne ispunjava tražene opće i posebne uslove.

Konkurs je otvoren 14 (četnaest) dana od dana objavljivanja na web-stranici Zavoda za planiranje, projektovanje i razvoj Brčko distrikta BiH i traje do 03.03.2025. godine

Prijava na javni konkurs se vrši putem obrasca "Prijava na javni konkurs za radno mjesto u Zavod za planiranje, projektovanje i razvoj Brčko distrikt BiH", koji se može preuzeti na adresi Zavoda, Ul. Lučka b.b., svakim radnim danom od 7.30 do 15.30 sati ili na web-stranici Zavoda, www.zavod.ba.

Popunjene i potpisane prijave slati na adresu: Lučka b.b., Brčko distrikt BiH ili dostaviti lično na istu adresu, najkasnije do 03.03.2025. godine do 15.30 sati.

NAPOMENA: Selektovani kandidati s kojim će se obavljati testiranje/intervju o datumu, mjestu i terminu testiranja/intervjua **ISKLUČIVO SE INFORMIŠU PUTEM SLUŽBENE INTERNET STRANICE ZAVODA (www.zavod.ba).**

Za diplome koje su stečene u inostranstvu nakon 6. 4. 1992. godine potrebna je nostrifikacija.

Potpisana prijava koja se podnosi važi samo za navedeni Konkurs.

Nakon obavijesti o izboru kandidata, u roku od pet dana, izabrani kandidati dostavljaju dokumente s kojima dokazuju tačnost podataka kojim se potvrđuje ispunjavanje općih uslova i kvalifikacija za radno mjesto.

Posebni uslovi iz konkursa moraju biti ispunjeni najkasnije na dan zatvaranja konkursa, odnosno do 03.03.2025. godine.

Direktor
Zlatko Jašarević dipl. oec.

